



FUNDASAUN ALOLA

Termu Referensia

RE-ANUNSA VAGA SERVISU

Fundasaun Alola hanesan organizasaun non-Governmental no non-lukrutivu, ne'ebe mak operandu iha Timor Leste, atu hasa'e kualidade moris feto no labarik. Fundasaun Alola hasa'e kapacidade lideransa feto no halo advokasia ba direitu feto no labarik ho ninia motto: "Feto Forte Nasaun Forte" no Fundasaun Alola nia programa sira mak hanesan Programa Saude Inan no Oan, Programa Hakbiit Ekonomia, Programa Edukasaun no Programa Advokasia. Fundasaun Alola lidera husi Manajementu konsellu, no mos ho movimentu ne'ebé mak iha, ohin loron ekipa manajementu tomak lidera husi Timorensen.

Agora dadaun Fundasaun Alola buka hela ema Timor oan ne'ebe mak kualifikadu atu bele priense pozisaun tuir mai:

OFISIAL TERENU, PROGRAMA SAUDE INAN NO OAN, FUNDASAUN ALOLA, atu fo suporta ba Ministeriu de Saude iha mandatu atu reduz mortalidade inan no oan iha Timor-Leste. Oficial Terenu ba programa Saude Inan no Oan sei responsavel atu apoiu implementasaun projetu Saude Inan no Oan, hodi promove Estatutu Saude Inan no Oan iha Timor Leste.

Xave Kompetensia sira:

- Hala'o kordenasaun ho Prezidente Munisipiu, Administrador do Postu Administrativu no Chefe do Suku iha Munisipiu Manatuto konaba implementasaun Programa.
- Hala'o Kordenasaun ho Servisu Saude Munisipiu, Sentru Saude no Postu Saude iha Munisipiu Manatuto kona ba Implementasaun programa.
- Kordena no servisu hamutuk ho Oficial Programa, Coordenador no Jerente konaba atividade Ne'ebé mak atu implementa iha Munisipiu Manatuto.
- Perpara Planu Atividades Edukador ba kolega Foinsa'e Sira (Youth Peer Educator/YPE) nian iha Suku Tarjetu.

- Fasilita treinamentu ba Edukador ba Kolega Foinsa'e Sira (Youth Peer Educator), fasilita diskusaun mensal ho foinsa'e sira iha area tarjetu no mos Fasilita inkontru mensal hamutuk Edukador ba kolega Foinsa'e Sira (YPE).
- Koordena hamutuk ho Edukador ba kolega Foinsa'e Sira (YPE) hodi hala'o atividade iha suku tarjetu.
- Prepara relatoriu mensal inklui dados hato'o ba Oficial Programa no ba Koordinator karik prezisa
- Distribuisaun material ba Edukador ba kolega Foinsa'e Sira (YPE).
- Servisu hamutuk ho Oficial Terenu husi Programa Advokasia iha Munisipiu Manatuto.
- Partisipa iha Inkontru Nasional, Munisipiu no Postu Administrativu
- Organiza Membru YPE karik doador sira ba Vizita no mos Organiza Eventu balu tuir nesesidade.

Kualifikasaun no Abilidade:

- Lisensiatura Universidade iha area Saude Publiku, Parteira no Enfermeira. Diploma ikus ne'ebe mak legaliza husi Ministeriu da Edukasaun.
- Esperensia minimu tinan 1 iha area Saúde Seksual no Reprodutiva.
- Prontu servisu mesak.
- Kartaun Vasina Covid-19 (La'os esensial)
- Hatene lori motor no iha karta kondusaun ne'ebe sei validu.
- Prioridade liu ba pesoal husi Munisipiu Manatuto, ne'ebé mak hatene lian inan, Munisipiu Manatuto nian.

Oinsa atu aplika:

Favor submete ita bo'ot nia aplikasaun no CV inklui dokumentus relevantes mai iha Edifisiu Fundasaun Alola, Rua Mascarenhas (Edifisiu Polisa Militar nia oin), Dili, Timor Leste. Rekerimentu sei diriji ba Kordenadora Rekursu Humanu, Fundasaun Alola, molok loron 21 Outubru 2022.

Anota: ***Sei kontaktu diretamente ba de'it kandidata sira ne'ebé mak liu selesaun dokumentus hodi ba entrevista.***

Atu hetan kopia deskrisaun servisu, favor manda email ba:
(Koordenadora Rekursu Humanu)

vaga@alolafoundation.org

Aplikasaun sei taka iha oras: 5 loraik, 21 Outubru 2022.

***Feto forte Nasaun Forte
Strong Women Strong Nation***

Mulheres Forte Nação Fôrte